

## Juã ojamu'tãca pũrĩ ni'i

*A'ti pũrĩ a'tiro weero omano'pã nise ni'i*

Ã'rĩ judío masũ Zebedeo macũ Santiago acabiji nicu niwĩ.

A'tere ojacu niwĩ. Jesucristore ãjõpeorãrẽ nisoose me'rã bu'erãrẽ tu'omasĩdutigu ojacu niwĩ. Tojo nicã Jesucristore ãjõpeonu'cũdutigu, queoro weenu'cũdutigu ojacu niwĩ. Ma'ise pe'ere apeye yu'ruoro weenu'cũdutigu ojacu niwĩ.

Cũta ape pũrĩ Jesucristo catiri umuco cjasere ojacu niwĩ.

*Jesucristo ye queti ni'i*

<sup>1-2</sup> Yu'u musãrẽ Jesucristo ye cjasere, cũ nise-tisere ojacu wee'e. A'tiro ni'i. A'ti turi weese duporo cũ, cũ pacu me'rã nitojacu niwĩ. Be'ro a'ti turipure bajuacu niwĩ. Cũ catinu'cũgũ marĩrẽ catinu'cũcã weegũ nimi. Usã cãrẽ i'awũ. Cũ ucũsere tu'owu. Usã basu warota cãrẽ i'abutiawu. Cãrẽ añurõ masiwũ. Tojo weerã cãrẽ i'a'quere musãrẽ were'e. <sup>3</sup> Usã marĩ pacu Õ'acũ me'rã, tojo nicã cũ macũ Jesucristo me'rã añurõ nicã'a. Musã quẽ'rãrẽ tojota masãsa'a. Tojo weerã usã i'a'quere, tu'o'quere musãrẽ were'e. <sup>4</sup> Musãrẽ añurõ e'catiato nigũ a'ti pũrĩrẽ oja'a.

*Õ'acũ añugũ nimi nise queti ni'i*

<sup>5</sup> Jesucristo ũsārē bu'e'quere mũsārē were-turia'a. Cũ a'tiro niwĩ: “Õ'acũ añugũ nimi. Cũpũre ne ña'ase marĩ'i. Cũ sĩ'ose weronojõ nimi. Na'itĩ'ase weronojõ nitimi”, niwĩ. <sup>6</sup> Marĩ a'tiro nibosa'a: “Õ'acũ me'rã añurõ nicã'a”, nibosa'a. Tojo nimirã ña'arõ wéérã, nisoorã weesa'a. Marĩ weesetise, marĩ ye ucũse ũseri me'rã tojo weesa'a. <sup>7</sup> Õ'acũ añurõ weemi. Marĩ Õ'acũ weronojõ añurõ wéérã pũrĩcã, ãpẽrã me'rã añurõ nisetimasĩ'i. Cũ macũ Jesucristo wẽrĩse me'rã nipe'tise marĩ ña'arõ nisetisere dũcayunu'cũmi.

<sup>8</sup> Marĩ ña'ase cũomirã ña'ase moo'o nĩrã, marĩ basuta nisoorã wee'e. Marĩ wãcũse diacjũ niwe'e. <sup>9</sup> Õ'acũ queoro weenu'cũgũ marĩ ña'arõ wee'quere diacjũ wereyũ'rũcã, queorota marĩrẽ acobojogusami. Nipe'tise marĩ ña'arõ weeseti'quere coepe'ocũsami. <sup>10</sup> Õ'acũ a'tiro nicũ niwĩ: “Masã nipe'tirã ña'arã nima”, nicũ niwĩ. “Marĩ ña'arõ weewe'e” nĩrã, “Õ'acũ nisoosepijagũ nimi”, nĩrã weebosa'a. Cũ ucũsere ějõpeotirã weronojõ nibosa'a.

## 2

### *Õ'acũ me'rã nĩrã a'tiro weeya nise ni'i*

<sup>1</sup> Mũsã yũ'ũ põ'rã weronojõ ni'i. Ña'ase weeticã'to nĩgũ, mũsārē a'tere oja'a. Marĩ ña'arõ weecãma, Jesucristo cũ pacũpũre marĩrẽ ucũbosasami. “Narẽ acobojoya”, nisami. Jesucristo ña'ase moogũ nimi. Tojo weegũ cũ marĩrẽ sẽrĩbosamasĩsami. <sup>2</sup> Jesucristo wẽrĩse me'rã marĩ ña'arõ wee'quere acobojose bocacãrã niwũ.

Marĩ dia'cũ acoboJose bocamasĩtisa'a. Nipe'tirã a'ti turicjãrã acoboJose bocamasĩsama.

<sup>3</sup> Marĩ masĩ'i, Õ'acũ dutisere wéerã, cūrē ĩ'awã'no'sa'a. <sup>4</sup> Marĩ a'tiro nibosa'a: “Õ'acūrē masĩ'i.” Tojo nimirã cũ dutisere weetirã, nisoosepijarã nibosa'a. <sup>5</sup> Cũ dutiro wéerã, Õ'acūrē queorota ějõpeosa'a. Tojo weerã marĩ Õ'acũ me'rã ni'i nisere masĩ'i. <sup>6</sup> “Marĩ Õ'acũ me'rã ni'i” nĩrã, Jesucristo weeseti'caronojõta weesiruturoũa'a.

*A'merĩ ma'ĩna nise queti ni'i*

<sup>7</sup> Acawererã, yu'u musãrē ojase apeye ma'ma dutise mejēta ni'i. Toduporopu musã dutise cwo'quereta oja'a. A'te musã tu'o'quepu ni'i. <sup>8</sup> Tojo nimirõ, yu'u musãrē ojase ma'ma dutise weronojõ wa'a'a. A'merĩ ma'isere wãmepeogu wee'e. Toduporopu marĩ a'merĩ ma'itirã, ña'arã niwũ. Na'itĩ'arõpu nĩrã weronojõ niwũ. Nĩ'cãrõacãrē a'te du'uno'rõ wee'e. A'tocaterore marĩ a'merĩ ma'ĩrã, bo'reyuropu nĩrã weronojõ ni'i. Te a'merĩ ma'isere Jesucristo me'rã masĩno'o. Tojo nicã musã me'rã masĩno'o.

<sup>9</sup> Marĩ a'tiro nibosa'a: “Yu'u pũrĩcã añurõ Õ'acũ dutiro weenu'cũcã'a.” Tojo nimigũ ãpērãrē ma'itigũ, toduporopu na'itĩ'arõpu nĩ'caro weronojõta nicã'sa'a tja. <sup>10</sup> Æpērãrē ma'ĩgũ, bo'reyuropu nigũ weronojõ nimi. Ne cūrē cã'rõacã ña'arõ weese marĩ'i. <sup>11</sup> Marĩ ãpērãrē ma'itirã, na'itĩ'arõpu nĩrã weronojõ nisetisa'a. Marĩ ña'arõ weese bu'iri caperi bajuno'tirã weronojõ nisa'a. Tojo weerã “A'tiro pe'e Ʃa'a”, nĩmasĩtisa'a.

12-14 Yu'u musã nipe'tirãrẽ ojaguti. Jesucristo cũ wẽrĩse wapa Õ'acũ musã ña'arõ wee'quere acobojocu niwĩ. Musã Õ'acũrẽ mas'i. Bucurã, musãrẽ oja'a. Jesucristore ne waropu du'pocãti'cure ejõpeoyucã, oja'a. Ma'mapjia, musã wãcũtutuarã ni'i. Õ'acũ ye ucũsere tu'o ejõpeo'o. Wãtĩrẽ docaque'acã weecãrã niwũ. Tojo weegu musãrẽ oja'a.

15-16 A'ti umuco cjase Õ'acũ ye mejẽta ni'i. A'tere wãcũnurãticã'ña. Ña'arõ wãcũse, a'metãrãsi'rĩse, uaripejase, apẽrã yu'rũoro nicã'gũ nisĩ'rĩse ña'a ni'i. A'te nipe'tise a'ti umuco cjase ni'i. "Tere weerãti", niticã'ña. No'o a'tere weesi'rĩgũnojõ marĩ pacu Õ'acũrẽ ma'itisami. <sup>17</sup> A'ti turi pe'tiwã'cãrõ wee'e. Nipe'tise ña'arõ weesi'rĩ uaripejase quẽ'rã pe'tia wa'arosa'a. Õ'acũ dutiro weerã pũrĩcã ne pe'titirãsama. Cũ tiropu ninu'cũcã'rãsama.

### *Nisoorã ye queti ni'i*

<sup>18</sup> Nisoori masã ye quetire werreguti. A'ti umuco pe'tiro wee'e. A'ti turi pe'tise duporo ni'cũ Jesucristore i'atu'tigu a'tigusami. Musã a'tere tu'otojacãrã niwũ. Pãjãrã cũ weronojõ nirã nitojama. Tojo weerã marĩ a'ti turi maata pe'tiatjere mas'i. <sup>19</sup> Na cãrẽ i'atu'tirã marĩ me'rãcjãrãta nicã'miwã. Be'ro, na Jesucristo ye quetire ejõpeotirã, marĩrẽ ducawatia wa'awã. Na marĩ me'rãcjãrã waro mejẽta ní'cãrã niwã. Marĩ me'rãcjãrã nĩrã pũrĩcã, marĩ me'rãta nibosama. Na tojo ducawaticã i'arã, marĩ narẽ i'amas'i. Marĩ me'rãcjãrã mejẽta nicãrã niwã.

<sup>20</sup> Jesucristo musārē Espíritu Santure o'ócū niwī. Tojo weerā musā diacjã cjase, Jesucristo ye quetire masīpe'ticā'sa'a. <sup>21</sup> Cũ ye quetire masītirārē ojagu weewe'e. Musā Jesucristo yere queoro masīsa'a. Tojo weegu musārē oja'a. Musā masī'i, cũ ye queti nisoose mejēta ni'i.

<sup>22</sup> Nisoosepijagu a'tiro nisami: “Jesú Ō'acũ bese'cũ mejēta nimi”, nisami. Tojo busugu cūrē ĩ'atu'tiri masũ nimi. Marĩ pacũ Ō'acūrē, cũ macũ Jesucristore teesami. <sup>23</sup> No'o cũ macũ Jesucristore uatirã, cũ pacũ quērārē moosama. Marĩ Jesucristore Ō'acũ bese'cũ nimi nírã, Ō'acũ pō'rã ni'i. <sup>24</sup> Tojo weerā musā ne waro tu'o'que Jesucristo ye quetire wãcũnurũña. Musā cũ ye quetire ějõpeonu'cūrã, Ō'acũ me'rã, cũ macũ Jesucristo me'rã añurõ nicã'rãsa'a. <sup>25</sup> Jesucristo marĩrē a'tiro nicũ niwī: “Cat-inu'cũatjere o'oguti”, nicũ niwī.

<sup>26</sup> Musārē nisoori masã ye quetire ojato-japu. <sup>27</sup> Musā Espíritu Santu Jesucristo o'ó'cure cũotoja'a. Cũ basu nipe'tisere nisooro marĩrõ musārē bu'emi. “Ēsārē ãpērã bu'eato”, nitisa'a. Cũ bu'eronojõta Jesucristo me'rã añurõ nicã'ña.

<sup>28</sup> Ni'cãrõacã quērārē cũ me'rã ninu'cũcã'ña. Marĩ tojo wéerã, cũ a'ti nucũcãpu a'ticã, cūrē põtērĩrã ĩ'aucuasome. Bopoyasome. <sup>29</sup> Musā Jesucristo añurõ weesere masĩtoja'a. Tojo weerã nipe'tirã añurõ weerã Ō'acũ pō'rã nima nisere masĩno'o.

### *Õ'acũ põ'rã weesetise ni'i*

1 Ì'arẽ müsã Õ'acũ marĩ pacu marĩrẽ ma'isere. Marĩrẽ ma'ígũ, “Yũ'u põ'rã” ni ãjõpeosami. Tojo nírõnojõta marĩ cũ põ'rã ni'i. Æpẽrã a'ti turicjãrã Õ'acũrẽ masĩtitjãrã, marĩ cũrẽ ãjõpeorã weesetisere masĩtisama. <sup>2</sup> Acawererã, marĩ Õ'acũ põ'rã nitoja'a. Cũ põ'rã nimirã, be'ropu marĩ de'ro wa'atjere añurõ masĩno'ña marĩ'i yujupu. A'te dia'cũrẽ masĩ'i. Marĩ Jesucristo a'ticã, cũ bajusere ì'arãsa'a. Cũrẽ ì'arã, cũ weronojõ wa'arãsa'a. <sup>3</sup> Jesucristore ne ña'ase marĩ'i. Marĩ quẽ'rã cũ weronojõ añurã wa'arãsa'a niatjere wãcũ'u. Tojo weerã marĩ ña'arõ weeseti'quere ducayuwã'cãrã wee'e.

<sup>4</sup> Ña'arõ weesetise Õ'acũ duti'quere yu'rũnu'cãse ni'i. Nipe'tirã ña'arõ weerã Õ'acũrẽ yu'rũnu'cãrã weema. <sup>5</sup> Mũsã masĩtoja'a, marĩ ña'arõ wee'quere cõ'agũ Jesucristo a'ti nucũcãpũre a'ticu niwĩ. Ne cũrẽ cã'rõacã ña'ase marĩ'i. <sup>6</sup> Tojo weerã nipe'tirã cũ me'rã ninu'cũrã ña'arõ weesetisama. Ña'arõ weerã pe'e Jesucristore masĩtisama. <sup>7</sup> Mũsã tu'omasĩña. Æpẽrã müsãrẽ maasoocã, ãjõpeoticã'ña. Jesucristo añugũ nimi. Tojo weerã cũ weronojõ nirã masã añurã nima. <sup>8</sup> Wãtĩ ne waroputa ña'agũ nimujãti'cu nimi. Tojo weerã ña'arõ weesetirã cũ yarã nima. Jesucristo Õ'acũ macũ wãtĩ ña'arõ weesere cõ'agũ a'tigu a'ti turipũre a'ticu niwĩ.

<sup>9</sup> Õ'acũ cũ põ'rãrẽ cũ weronojõ nisetiã weecu niwĩ. Tojo weerã Õ'acũ põ'rã ña'asere

weenu'cũtima. <sup>10</sup> Marĩ Õ'acũ pō'rārē, wātĩ yarārē a'tiro ĩ'aducawaamasĩ'i. No'o āpērārē ma'itirā, ña'arō weesetirārē “Wātĩ yarā nima”, ni'i. Āpērārē ma'írā añurō weesetirā pe'ere “Õ'acũ pō'rā nima”, ni'i.

*A'merĩ ma'idutise ni'i*

<sup>11</sup> A'merĩ ma'irōua'a nise queti musā ne waro maata tu'o'que ni'i. <sup>12</sup> Duporocjũpu Caĩ wāmetigũ weronojō niticā'rā. Cũ wātĩ yagu nígũ, cũ acabiji Abere wējēcũ niwĩ. ¿De'ro weegũ cūrē wējēpari? Caĩ cũ weesetise ña'ase nicaro niwũ. Cũ acabiji weese pe'e añuse nicaro niwũ. Te bu'iri cūrē uogũ, wējēcũ niwĩ. <sup>13</sup> Āpērā musā añurō weesetisere ĩ'áuorā, ĩ'atu'tibosama. Na Caĩ cũ acabijire uo'caro weronojō weerā weesama. Na musārē ĩ'atu'ticā, ucuatĩcā'ña.

<sup>14</sup> Marĩ āpērārē ma'írā, Õ'acũ pō'rā ni'i nisere masĩ'i. Toduporopũre Jesucristore masĩitĩjarā, āpērārē ma'itiwũ. Ni'cārōacārē cūrē ějōpeoyurā, a'merĩ ma'i'i. Āpērārē ma'itirā pũricā, marĩ toduporopũ ní'caronojōta nicā'bosa'a. Catinu'cũsere moobosa'a. <sup>15</sup> No'o āpērārē ĩ'atu'tigũnojo masārē wējēcō'arĩ masũ weronojō nimi. Musā masĩ'i, ne ni'cũ masārē wējēcō'arĩ masũ catinu'cũsere moosami. Musā cũ weronojō niticā'ña. <sup>16</sup> Jesucristo marĩ ye niatjere wēricũ niwĩ. Tojo weerā marĩ a'merĩ ma'isere masĩ'i. No'o āpērārē ma'írā, marĩ ya catiri umucore wācũnũrũtisa'a. Narē weetamurā, marĩ quē'rā wērimasĩ'i. <sup>17</sup> Marĩ apeyenojō cuomirā, pajasecuorārē o'otirā, ¿de'ro wee “Õ'acũrē ma'i'i”, nibosaũ? <sup>18</sup> Bu'i,

marĩ ye ucũse ɥseri me'rã dia'cũ “Narẽ ma'l'i”, niticã'rõɥa'a. Narẽ añurõ weetamurõɥa'a. Te me'rã marĩ narẽ ma'isere ĩ'omasĩ'i.

*Õ'acũrẽ ẽjõpeorã uiro marĩrõ nímasĩ'i nise ni'i*

<sup>19-20</sup> Apetero marĩ a'tiro wãcũsa'a: “Yɥ'ɥ ña'ayɥ'rɥagɥ nisa'a.” Tojo wãcũmirã, marĩ ãpẽrãrẽ ma'írã, Õ'acũ me'rã uiro marĩrõ nímasĩ'i. Marĩ cũ põ'rã ni'i. Cũ marĩ wãcũsere masĩpe'ocã'sami. Cũ marĩ ña'arõ wee'quere acobojosami. <sup>21-22</sup> Marĩ ne bu'iri moosa'a ni tɥ'oña'rã, uise marĩrõ Õ'acũrẽ sẽrĩmasĩ'i. Cũ dutisere, cũ ɥasere weecã, Õ'acũ nipe'tise marĩ sẽrĩsere yɥ'tigɥsami. <sup>23</sup> Cũ duti'que a'te ni'i. Cũ macũ Jesucristore ẽjõpeodutimi. Tojo nicã cũ duti'caronojõta marĩrẽ a'merĩ ma'idutimi. <sup>24</sup> Marĩ cũ duti'quere wéerã, cũ me'rã añurõ nicã'a. Cũ quẽ'rã marĩ me'rã añurõ nicã'mi. Marĩrẽ Espĩritu Santure o'ocɥ niwĩ. Tojo weerã cũ marĩ me'rã nisere masĩ'i.

## 4

*Ãpẽrã weresere ĩ'abesetojarãpɥ weedutise ni'i*

<sup>1</sup> Acawererã, Õ'acũ yere wereri masã musã tiropɥ bu'erã etacã, na weresere “¿Diacjũta Õ'acũ ye nimitito?” ni ĩ'aña. ãpẽrã Õ'acũ o'ó'cãrã nitima. Nipe'tirãpɥre ẽjõpeoticã'ña. Na Espĩritu Santure moomirã, tojo nima'acã'bosama. A'ti ɥɥɥcorɥre no'o ɥaro nisoori masã nibi'acã'ma. “Õ'acũ yere wererã wee'e”, ni bususijama. <sup>2</sup> Musã na diacjũ wererãrẽ a'tiro ĩ'abeseya. Na “Jesucristo a'ti upɥ



me'rã bajuacũ nimi", nisama. Tojo ẽjõpeorã, Espíritu Santure cuorã nima. Narẽ ẽjõpeoya. <sup>3</sup> Ǻpẽrã tojo ẽjõpeotirã, Espíritu Santure mooma. Mejõ cũrẽ pe'sutima. Musã Jesucristore ï'atu'tigu cũ a'tiatjere tu'otojapã. Na cũ weronojõ nirã a'ti di'tapũre nitojama.

<sup>4</sup> Nisoori masã wãtĩ yarã nima. Ǻ'acũ wãtĩ nemorõ tutuami. Musã Ǻ'acũ yarã ni'i. Tojo weerã musã na ucũsere ẽjõpeoticãrã niwũ. <sup>5</sup> Nisoori masã a'ti turicjãrã a'ti umũco cjase dia'cũrẽ bu'esama. Na weronojõ nirãta na bu'esere tu'osama. <sup>6</sup> Marĩ pũrĩcã Ǻ'acũ põ'rã ni'i. Cũ põ'rã nirã marĩ bu'esere tu'osama. Cũ põ'rã nitirã tu'otisama. Tojo weerã marĩ diacjũ cjase ẽjõpeorãrẽ, diacjũ nitisere ẽjõpeorãrẽ ï'abesemasĩ'i. "Ǻ'rãta nima diacjũ cjasere ẽjõpeorã", nĩmasĩ'i. "Na nima diacjũ cjasere ẽjõpeotirã", ni ï'adũcawaamasĩ'i.

### *Marĩrẽ a'merĩ ma'idutise ni'i*

<sup>7-8</sup> Acawererã, Ǻ'acũ masãrẽ ma'imi. Tojo weerã marĩ quẽ'rã a'merĩ ma'irõua'a. A'merĩ mairãnojõ Ǻ'acũ põ'rã nima. Na Ǻ'acũrẽ masĩma. No'o ma'ise moorãnojõ Ǻ'acũrẽ ne masĩtima. <sup>9</sup> Cũ marĩrẽ ma'isere ï'ogũ, cũ macũ ni'cũ nigũrẽ a'ti turipũre o'ócũ niwĩ. Marĩ catinu'cũatjere wéégũ tojo weecũ niwĩ. <sup>10</sup> Yu'u ma'isere ucũgũ, marĩ Ǻ'acũrẽ ma'isere ucũgũ mejẽta wee'e. Cũ pe'e marĩrẽ ma'isere ucũgũ wee'e. Cũ marĩrẽ ma'ígũ, marĩ ña'arõ wee'quere acobojodutigu cũ macũrẽ o'ócũ niwĩ. Cũ me'rã marĩ acobojose boca'a.

11 Acawererã, Õ'acũ marĩrẽ ma'icaronojõta marĩ quẽ'rã ãpẽrãrẽ ma'irõũa'a. 12 A'ti ɯɯɯɔɔɔɔɔɔ ne ni'cũ Õ'acũrẽ ï'a'cɯ marĩmi. Marĩ cũrẽ ï'ati'cãrã nimirã, ãpẽrãrẽ ma'irã, cũ marĩɔɔɔɔɔɔɔɔ nisere masĩ'i. Cũ marĩrẽ ma'ique ye bu'iri ãpẽrãrẽ queoro ma'ita basio'o. 13 Õ'acũ marĩrẽ Espĩritu Santure o'ocɯ niwĩ. Tojo weerã marĩ Õ'acũ marĩɔɔɔɔɔɔɔɔ nisere masĩ'i. Marĩ quẽ'rã cũɔɔɔɔɔɔɔɔ ni'i. 14 Õ'acũ macũrẽ ũsã basuta ï'awũ. Cũrẽ a'ti turipɔɔɔɔɔɔ marĩ ña'arõ wee nise-timi'cãrãrẽ yu'rũweticã weedutigɯ o'ocɯ niwĩ. Tojo weerã mũsãrẽ a'tere were'e. 15 No'o nipe'tirã "Jesú Õ'acũ macũ nimi" nirãnojõ Õ'acũ me'rã nima. Cũ quẽ'rã napɔɔɔɔɔɔɔɔ nimi.

16 Õ'acũ marĩrẽ ma'isere masĩ'i. Cũ nipe'tirãrẽ ma'imi. No'o ãpẽrãrẽ maigũnojõ añurõ Õ'acũ me'rã nimi. Õ'acũ quẽ'rã cũ me'rã nimi. 17 Marĩ Õ'acũ me'rã nĩrã, queoro ma'imasĩ'i. Jesucristo a'ti turipɯ nicã, cũ pacɯ quẽ'rã cũ me'rã nicɯ niwĩ. Cũ me'rã ní'caronojõta marĩ me'rã quẽ'rãrẽ Õ'acũ nimi. Tojo weerã marĩ a'ti turicjãrãrẽ besatji nũmũ nicã, cũrẽ ne uisome. 18 A'merĩ mairã tirore uise marĩ'i. Uise cũorã tiro pe'ere ne a'merĩ ma'ise marĩ'i. Marĩ uise me'rã bu'iritirã weronojõ tũ'oña'a. No'o uigũnojõ a'merĩ ma'imasĩtimi.

19 Õ'acũ marĩrẽ ma'imũ'tãcɯ niwĩ. Tojo weerã marĩ cũrẽ ma'ii. 20 Marĩ Õ'acũrẽ ma'imirã, ãpẽrãrẽ ï'atu'tirã, nisoosebucurã ni'i. Masã marĩ ï'arã waromarĩcãrẽ ma'itirã, nemorõ Õ'acũ bajutigɯ pũrĩcãrẽ ma'ita basiotisa'a. 21 Jesucristo

marĩrẽ a'tiro dutiwĩ: “Õ'acũrẽ ma'írã, ãpẽrã  
quẽ'rãrẽ ma'irõua'a”, niwĩ.

## 5

*Õ'acũ põ'rã nírá, ña'asere weeticã'rõua'a nise  
ni'i*

<sup>1</sup> Nipe'tirá “Jesú Õ'acũ bese'cũ nimi” ni  
ějõpeorãnojõ Õ'acũ põ'rã nima. ãpẽrãrẽ ma'írã,  
na põ'rã quẽ'rãrẽ ma'irõua'a. <sup>2</sup> Marĩ Õ'acũrẽ  
ma'i, cũ duti'quere wéerã, marĩ cũ põ'rãrẽ ma'i'i  
nisere masĩno'o. <sup>3</sup> Õ'acũrẽ ma'írã, cũ duti'quere  
weerã wee'e. Cũ dutise diasawe'e, weeta ba-  
siopũricã'sa'a. <sup>4</sup> Marĩ Õ'acũ põ'rã a'ti turi cjase  
ña'asere weewe'e. Jesucristore ějõpeose me'rã  
añurõ weeta basio'o. <sup>5</sup> Marĩ Jesucristore “Õ'acũ  
macũ nimi”, ni ějõpeo'o. Te me'rã dia'cũ a'ti  
ũmũco cjase ña'asere cã'mota'amasĩsa'a.

*Jesucristore “Õ'acũ macũ nimi” nise ni'i*

<sup>6</sup> Jesucristo Õ'acũ macũ nimi. Cũ a'ti turipũ  
nicã, Juã wãmeyeri masũ cãrẽ wãmeyewĩ. Cãrẽ  
wãmeyegũ, aco me'rã wãmeyewĩ. Be'ro cũ  
curusapũ wẽrĩwĩ. A'tiro weese me'rã cũ Õ'acũ  
macũ nisere ĩ'owĩ. Cãrẽ wãmeye'que me'rã  
dia'cũ ĩ'otiwĩ. Cũ wẽrĩse me'rã quẽ'rãrẽ ĩ'owĩ.  
Espíritu Santu Jesucristo Õ'acũ macũ nisere  
ĩ'omi. Cũta diacjũ cjasere weregũ nimi. <sup>7</sup> A'te  
quetire na basuta ĩ'oma. Na i'tiarã ũ'mũsepũ  
nima: pacũ, macũ, tojo nicã Espíritu Santu.  
Ã'rã i'tiarãpũ dũcawatimirã, ni'cũta nimi. <sup>8</sup> A'ti  
nucũcãpũre Espíritu Santu werese me'rã Jesú

Õ'acũ macũ nimi nisere masĩ'i. Tojo nicã Jesús cũ Õ'acũ macũ nisere cũ wãmeyeno'que me'rã, cũ wẽrĩ'que me'rã ĩ'ocu niwĩ. <sup>9</sup> Masã na ĩ'a'quere werecãmarĩcãrẽ, marĩ ějõpeo'o. Õ'acũ cũ macũ yere werecã pũrĩcãrẽ, nemorõ ějõpeoroḡa'a. Cũ masã ucũse nemorõ queoro weremi. <sup>10-12</sup> Õ'acũ marĩrẽ cũ macũ me'rã catinu'cũsere o'ocu niwĩ. Tojo weerã cũ macũrẽ ějõpeorã cũ me'rã catinu'cũrãsama. Cũ macũrẽ ějõpeotirã ne cũ me'rã catinu'cũsome. Marĩ Jesucristo ye quetire diacjũta ni'i nĩrã, cũrẽ ějõpeorã wee'e. Āpẽrã a'tere ějõpeotirãnojõ “Õ'acũ nisoogu nimi”, nĩrã weema.

### *Juã werecasa'que ni'i*

<sup>13</sup> Musã Õ'acũ macũrẽ ějõpeorãrẽ tere ojarũ. Musã catinu'cũrãsa'a nisere masĩato nĩgũ tojo ojarũ.

<sup>14</sup> Marĩ masĩ'i, Õ'acũ cũ ḡaronojõ marĩ sẽrĩcã, marĩ sẽrĩsere tũ'osami. “Marĩ sẽrĩsere tũ'osami” ni masĩrã, cũrẽ uise marĩrõ sẽrĩmasĩ'i. <sup>15</sup> “Õ'acũ marĩ sẽrĩsere tũ'osami” ni masĩrõnojõta “Cũ marĩ sẽrĩ'que quẽ'rãrẽ o'otojami”, nino'o.

<sup>16</sup> Apetero Jesucristore ějõpeoḡa ña'arõ weesami. Cũ tojo weecã ĩ'arã, Õ'acũrẽ sẽrĩbosaya. Marĩ sẽrĩbosacã, Õ'acũ yũ'tigusami. Cũrẽ dũcayugũsami tja. Apeye pũrĩcã ña'abutiario weese ni'i. Tẽma “Sẽrĩbosaya” niña marĩ'i. Tere weerã Õ'acũ tiropũ wa'asome.

<sup>17</sup> Nipe'tise ña'ase Õ'acũrẽ yũ'rũnũ'cãse ni'i. Yũ'u nĩrõnojõta apeye ña'arõ weesere Õ'acũ

acobojojogusami. Apeye ña'abutiario weesere acobojosome.

18 Marĩ masĩ'i, Õ'acũ pō'rārē Jesucristo añurō co'tenu'cũcã'mi. Tojo weerã na ña'arō weenu'cũtisama. Wãtĩ quẽ'rã Jesucristo co'teyucã, narẽ ña'arō weemasĩtisami.

19 Marĩ Õ'acũ pō'rã nisere, tojo nicã wãtĩ nipe'tiro a'ti turicjãrã wioꝝ nimi nisere masĩ'i.

20 Apeye quẽ'rārē, Õ'acũ macũ cã a'ti'quere masĩ'i. Cũ marĩrē Õ'acũ diacjũ nigũrē masĩdutigũ tũ'omasĩse o'ocũ niwĩ. Marĩ Jesucristo me'rã nĩrã, cã pacũ Õ'acũpureta ni'i. Jesucristo Õ'acũ nimi. Cũta catinu'cũgũ marĩ catinu'cũatjere o'omi. 21 Apeye, masã na queose yee ějõpeo'quenojõrē ějõpeoticã'ña. Õ'acũ se'sarore ějõpeoya. Nipe'tise apeyenojõ yũ'rũoro Õ'acũrē ma'iña.

Tojota weeroꝝasa'a.

Tocã'rõta oja'a.

Juã

## **Õ'âkã hi yeere uúkũri turi Tukano New Testament in Tucano (BR:tuo:Tucano)**

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Tucano

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

---

PDF generated using Haiola and XeLaTeX on 22 Feb 2024 from source  
files dated 31 Aug 2023

00ebd04f-7b0d-5a72-9407-eb53ae2bd086